


Körnlibank 2019



Körnlibank 2019

# Körnlibank

## Sumpfhuhn



# FC Rebstein go go go



Bi üserna Räbschter-Tschutter lütat a neuu Ära i  
Pflutsch und Matsch uf da Birkenau, da isch bald vorbi  
da neu Kunstrasa mues da Platzwart nämli nümma maia  
ab jetzt ka da Martin Kehl mit am Staubsuuger sini Runde dreia.

## Denkwürdiger Besuch in London

Da Apollo, da Linus, da Turbo und Co.  
sind immer no treui Fans vu da Status Quo.  
Sie wänd ihre Helda go fiira uf London  
und sind scho im Flüger guat in Aktion.  
Doch z England isch kein „Parffit“ und kein „Rossi“ umanand  
drum hönd dia Kerli drü Täg nu gesoffa und glöscht ihra Brand.  
„Down Down“ und „Whatever You Want“ hörid sie das Mol nöd  
will da OK-Chef s Datum verwechslet hät - oh wie blöd.  
Da Grund bleibt a Geheimnis, wie s Käs-Rezept vum Appenzeller i  
glob aber, au im Hirni vom Apollo wörds irgendswann wieder heller.

## Tulpen aus Amsterdam

Da Benno Keel isch z Amsterdam gsi mit sinara Luzia  
und hät an grossa Glust uf Kafî und Küche gha.

Drum isch er mit sinara bessera Hälfti in an „Coffeeshop“  
und merkt schnell: Dia Entscheidig isch an grossa Flop.  
Dänn nach däm Kafihalt ka er kum mehr grad laufa  
will imana so a Lada ka ma nu Gras und Haschisch kaufu.  
Dass üsa Benno au no an Joint heg hindara zoga,  
isch aber nu reini Spekulation und sicherlich gloga.

## Hilfe, die Obervögel verdursten



Dä Summer isch heiss und schwül gsi  
und da gäng bi alna Tierli nöd spurlos verbi  
drum söll ma zum Bispiel da Vögel z Suffid gä  
und sie us aman Schälali Wasser chönid nä.  
Dä guat Tipp han i glesa im Luga-Blatt, also im Blick und trotz Hitz'  
hätt's bi mir im Hirni sofort gmacht Klick  
Dänn för üs Obervögel tuat niemert a Bier vor d Türe usi stella  
nei, wir hönd üsers z Suffid selber mössa inara auswärtiga Beiz  
bstella dänn z Räbschta sind alli Spünta zua gsi im Juli und August  
drum hät öpa ein a neuu Furcha wegam Flüssigkeitsverlust.

## Ortsgemeinde wir lieben dich



Mei, sind mör froh, goht da Rebstock doch nöd so schnell zua  
und da Gögel und d Zita hönd vu dem ganza Rummel wieder a chli Ruha.  
Traurig sind mör Obervögel, will mehr hettid dä Schuppa selber wella kaufe dann hättid wir könna im  
Stock tagtäglich Festa und saufe.  
Aber üsi Verhandliga sind leider gschiteret - as isch an Wahnsinnwäg am Denkmalschutz vum  
Gebäude und vu da Beizerin.  
Wir tönd üsi Ortsgmeind' aber grad au no för d Fernwärmi kürawill mör dänn endlich im Saal ussa  
nümma mönd an Arsch heri früra.

## Fieser Kirchen-Einbrecher

Dia Wucha hät an Einbrecher i da katholische Kirche Geld stohlai glob aber, bi däm Einbruch hätt ma  
ganz öppis anders wella hola.  
I ha nämlich s Papamobil vum Papst am Obad bim Pfarrhus gseh.  
Dä hätt üs sicher d Fasnachts-Göttin Ramona Casanova fürs nächsti "Urbi et Orbi" wella neh'.

## Musikalische Erlebniswelt im Gemeindehaus



Im Gmeindshus z'Räbschta hönds a kli saniert, doch statt an Lift hönds Musik-Boxa installiert.  
Mit schöna Kläng will man jetzt bim langa Warta üsi Ohra verwöhna, oder isches echt eher zum am  
Kurt Sieber sis Schnarchla z übertöna.

Und i ha mi gfrögad: Wa söll i allna Rothusgäng dia Pop-Musik bruchid da üsi Gmeindröt wohl för  
ihri zukunftsweisend Politik.

Vor am Stüüramt hör i „So ein Wahnsinn“, do hani scho s erst Mol g'lacht, und bim Eggenberger oba  
lauft „Atemlos durch d OLMA-Nacht“.

Vor am Einwohneramt zum Verlängara vu mim Pass hör i luuti Rock-Musik, as isch scho krass.  
Üsi Gmeindler sind glob gleich nöd so schaffig und brav und bruchid drum wohl Hilfsmittel för ihra  
Beamtaschlaf.


Oder suacht üsa Handörgeli wieder amol mit da Bevölkerig da Kontakt und tanzed drum vor am  
Sozialamt im Drü-Viertel-Takt.

Oder gits no anderi plausibli Gründ' för da Projekt?

Isch vielleicht im Rothus an neuu Filiala vu Kühnis Hörwelt versteckt?

Bim Wäg ufs Hüsli höri doch grad i minera Not, vor am Bestattigsamt „Spiel mir das Lied vom Tod“.  
Erlebnis pur, doch ei Optimierig hettid mör no a z'bringa, statt neuu Boxa könnt da Andi doch au grad  
no selber singal

## Eine ganz wilde Obervogel-Frau



I gseh üsi Claudia Sonnenbräu bös am Schwankasie macht a Pirouette oder isch sie sogar am Tanza?  
Sie torklat umanand, as isch scho no spezielkomisch, amüsant aber sehr originell.  
As goht heiss zua und här und sie wörd immer wilderam Schluss muas sie au no gstützt wöra vu  
zwo Mannsbilder.  
Aber kei Angst: Üsi Henn' isch nöd bsoffai ha sie nämlich bim Eishockeyclub Rhintal troffa.  
Dött hät Claudia uf am Glatteis s Anspiel gmacht und isch nu mit viel Glück nöd grad no i Bande ini  
kracht.

## Alter schützt vor Weisheitszahn nicht

Dia Ehemaliga vom FC Räbschta-Eis, sozäga da Altbestand, macht an Uusflug feuchtfrohlich mit am  
Zug ins Bündnerland.  
Z Brambrüsch hät ma d Trottinet under d'Füess gno, und da Werner Baumgartner hät überholt und  
überholt bis a Kurva isch ko.  
Aber er isch nöd da einzig gsi, wo's uf d Schnorra usi hät, vo dena Schlaua, Nei, Langeneggers Mürs  
hät sich bim Zigipäckli ufneh au no Zäh usi ghaua.  
Und wills vu luter Feschta, Suufa und Fressa, dia gnaue Zimmer-liteilig o no hönd vergässa, hönd die  
Erschta Einzelzimmer, ganz gmüetlich und nett und die Letschta hend müssa z'Vierta ins Bett.

## Ursi allein im Riet



D Ursi Grob isch a Klasse-Frau

bim ana Fehler ärgert sie sich grün und blau

Sie kunnt nämli nümma usam Auto im Riet ussa. und frürt sich drum da Arsch ab verussa.  
Alles Probiera nützt nünt, sie tuat am Ma a SMS schicka dä kunnt, doch er ka leider nu Computer  
flicka.

Spöter befreit sie an Auto-Mechaniker, noch gfühlte zwei Stunda will dä da richtig Türknopf im  
Gegasatz zu da Ursi hät gfunda.

## Ein Mann im Trainingswahn

Da Zelt-Mäk Dietsche humpled durchs Dorf mit Krücke


Er schnufed und krächtzt und ka sich kum bücke„

Wa hesch tue? Froged d Lüt und sini Kollega.

Bisch öpe umkeit oder gstolpered uf dine Wegä?“

Nei, nei, i muess i zwei Mönnet mini Hüft go operiere und ha drum denkt, i fang jetzt scho a mit da  
Krücke trainiere.

## Dani Morscher's Geografiekenntnisse



D Maya Morscher wünscht sich Ferien uf de Bahamas scho so lang und ihre Ma da Dani Obervogel 22 git schliesslich no ihrem Drang.

Er goht is Reisebüro und suecht s schönschte Hotel us.

Dehei acho, isch Maja aber uf 180, de Dani kunnt nüme drus. Anstatt e Reis uf d Bahamas ine wunderschös Hotel het er en Flug uf Barbados buecht, dä Trottel.

## Auch ohne Schuhe wird man ein Blickstar



Jo Mann - i bi Gängschter und voll krass kriminell  
aber leider min Verfolger ischt sogar barfuss no extrem schnell

und da Mäga Rohner hät mi durchs ganz Dorf dori gjaga, bevor er mi mit ama Reibäsa hät heldahaft verschlaga.


S gross Geld muas i nämlich nümma uf da Banka go hola, da wird z'Räbschta i da Gärtneri Rohner gstohla.

Also i ha eigentli no nia so a Röseli-, Feiäli- und Primalizucht beklaut, i han eigentli nu wella luaga, wa da Mäga sus so i sina Triebhüser aabaut!

## So jung und schon in der Körnlibank

Da Valentin Stadler, Sohn vu üsam Grüa-Liberala Polit-Star fahrt zu später Stund mit am Trolleybus hom, da isch jo klar Aber so vorbildlich isch da MVR-Trommler dänn doch nöd gsi will z Balga isch am Valentin sini Busfahrt scho wieder vorbei. Will är z viel gsoffa hät, isch er nämlich so guat im Schuss dass er bim Usstiege grad a Türe häri kotzad vum Trolleybus. Do säg i nu no eis: Trotz Heimlaufe mit verkotztem Musighemd da Valentin bleibt trotzdem da schönschti Räbschter Student.

## Wo sind die Katzen hin?



Es herrscht grossi Panik im Oberfeldquartier Mängi Katze sind verschwunde us dem Revier. Im Fernseh tönts „Hät öppert gstohle mini Katz wenn i dä verwütsch, hau em eis uf de Latz.“ Und tatsächlich, i da Nächi, so wie s Gott will, landet e Katz doch tatsächli uf Pfarrers Grill. Da Renato hät sie aber nöd öppe gässe, Nei, nei, sie hät ihm sis Mittag-Ässe g'frässe

## Haarfresser tiefgekühlt



I gseh da Coiffeur Sieber durchs Töbeli renna nochdem er gfutteret hät sini Gänse und Henna.  
Er isch plitschnass gsi, üsa Obervogel Peter und hät gschlotterat wie an alta Trompeter.  
Üsa Vollpösta isch nämlich is Töbelibächli gseglet bi Eis und Schnee tuet er echt da „Eddie the Eagle“  
als grosses Vorbild neh?

## Die Polizei gibt's auch in Zivil

De Urs Sonderegger, Ex Vizekommandant vo üsere Führwehr Fahrt seeleruhi d Rietstross entlang, as  
het kaum Verkehr.

Doch de Schein trügt und er kunnt am ana klina Unfall verbi.

Achtung Polizei. De Urs het kei guets Gefühl debi.

Er bügt ab Richtig Bascheler-Hof trotz Fahrverbot

Wo ihm e Auto entgegenkunnt, winkt er dem und stoppt, „Pass uf, döt vorne stoht Polizei - kehr sofort  
um - das rate i dir“

Doch da Autofahrer seit: Achtung Herr Sonderegger ich bi im Fall d Schmier’.

## Marbach ade



Isch da an Tumult gsi bi Ma und Frauvieli händ sich ufgragt Grün und Blauwäg dära Fusion isch fascht Kriegsstimmig ufko'sogär Familie-Streit hegs z Marpa oba gä, han i verno'. Mör Obervögel nehmid ruhig und tönd witerhin üsas Sunnabräu-Bierli nä und sind eigentli froh, mönd mör nöd au no an Saftlada überneh'.

## Pensionierte haben keine Ferien mehr



De Kurt und d Erika Spirig vo de Höhlerstross gönd gern i d Ferie, denn döt isch immer was los. Ob im Januar, Juli oder im Dezemberalli Termin schribeds säuberlich in Kalender. Amana ruhige Tag, do schälled s Telefon und d Erika nimmt ab mit hellem Ton.

De Kurt frogt sich: Wer ischt das wohl?

Es isch en Hotelier us am Südtirol.

Er frogt no, wo sie denn eigentlich sind blibe, in ihres buachti Zimmer isch nämlich niemert abgstige.  
Vergesse hend dia beide ihri Ferie und das isch wohr So schö hends die Pensionierte s ganze Johr.

## Wo ist das Leiterwägeli vom Samiklaus?



Au mör Obervögel händ intensiv recherchiert, was ächt mit em Leiterwägeli vum Samiklaus isch passiert.

Üse Gmoandli benimmt sich sither scho e chli verdächtig, hät er üsi Fusionsmillione mit am Wägeli zrug brocht uf St. Galla nächtig?

Au de FC Rebstein stoht ghörig unter Verdacht. Wenn er i de Rückrundi nämlich gnueg Goal macht, dänn muess üsers Eis im Sommer nöd abstiige und kann dia gewunnana Pünkt grad ufs Wägeli ufa biige.

Au de Peter Lüschi als Brüeder vom Beklauta stoht massiv unter Verdacht.

Hät er sin Erb-Anspruch bim Brüeder wohl scho wohr gmacht?

Oder hät s Wägeli för dia neu Post im Migröli an neua Nutzaoder bruchts da Hauswart Michi Jenny ächt förs Progy-Putza?

Ich glob, d Ferien GmbH kunnt morn mit am Motto „Gladiator“ an Umzug im Klauswägeli, statt mit lärmigem Motor.

Oder transportiert ächt da Schönauer vu da Ortsmeind', da wär au no buntsini Holzschnitzel mit am Wägeli, wenn d Fernwärmi nöd bis uf Räbschta abi kunnt.

Mör Obervögel blibid dra a dem heikla Fall und findet das Diebes-Pack, und steckid's dänn ohni Fädäraläse am Schmutzli grad in Sack.

Liebi Gäscht, mör wünschid eu an schöna Obad und bliebid witerhin gsund und festid no lang bis i d Nacht, bis am Samiklaus sis Wägeli wieder föri kund.

# Körnlibank

## Zapfhahn



## Zwei mit gleichem Problem

Schnell ufs VVC bim FC us, muas d Mirjam ex Schönbeck Hosa aba, Slip weg, laufa loo - doch oh Schreck ab sofort lüütat ihra niemer me a und da isch scho gspunna will das huera Händy liegt i da Schiessi-Schüssla una.

Drum sött ma bim Seicha sich immer guat konzentriera gell Silvan Strickler, dänn tuat au dir da nümma passiera.

## Fusionsgedanken



Mör Obervögel sind z Räbschta witerhin heiter und froh will d Fusion mit da Marper nöd isch choUnd da isch au das guati draDia hönd nämlich gär nünt, wo mör müastid ha.

## Frau Hueb sucht ihren Fredi

D Mägi und da Fredi Graf sind im Usgang gsidoch leider isch das Fest viel z schnell vorbi. D Mägi hockat bim Rückweg is Auto uf da Beifahrer-Sitz und wa jetzt kunnt, isch wörklich passiert und kein Witz. Sie hockat do und wartet uf da Fredi, da Querdenker doch dä isch verschwunda: „Wo ischt ächt ihren Autolenker?“ Sie wartet und wartet, eri Nerva liegid scho fascht blank doch da Fredi schloft dawährad genüsslich uf da Auto-Rückbank.

## Fusionsgedanken



Mör Obervögel sind z Räbschta witerhin heiter und froh will d Fusion mit da Marper nöd isch choUnd da isch au das guati dra  
Dia hönd nämlich gär nünt, wo mör müastid ha.

## Verbot für Federvieh



D Ortsgmeinde hät a neus Reglement für d Schrebergärta erlo'döt heisst sachmäss: alli Henna über 10 Stück mös ma verschlo' drum hönd mer Obervögel üs grossi Gedanka gmachtwänn man us üsara Reini ächt a Suppahuhn macht.

## Schandfleck an der Tannerstrasse

Im Schacha ussa söllid zwo neui grossi Wohnblöck entstoh, doch mit am Architekt Tom Steiger chönntis bis zur Fertigstellig no a Wiili go. Nöd wäg da Nochbuura, Einsprecher oder behördlichem Allerlei, sondern will rund um sis eiga Huus an da Tannerstross isch a huera Sauerei. Dräck, lseteil, Brätter, an halbfertiga Garta, da isch wüerkli wohrrund um sini Hütta isch eifach a Puff und da scho über sieba Johr. Oder sorry, tüschid mör üs ächt und isch da villicht öpa modernes Baua? Aber Tom, dänn gang doch bitte uf Marpa ufi go d Bauplätz' versaua.

## Obervögel in Not

Da Marco vom Rondino, dä alti Griech'isch mängmol scho an „Siebasiech“. Denn mör Verslibrünzler sind letscht Fasnacht vor am Uftritt fascht verreckt will da Beizer üsi Bilder hät i sinara Chuchi hinter am Bachofa versteckt.

## Zügeln ist nicht so einfach



Da Andi Kehl tuet ab sofort da Zickzack-Lada miida, denn bim Zügle hät er wäg da Ursi Grob mächtig möse liida.

Mit ama Handwaga fährt sie ihm zuerscht in Briefkasta, do hetti da Andy scho s erschtmol könne usraschte.

Da neu Briefkasta kann er grad wieder entsorge, aber nöd nu dä Verlust macht ihm grossi Sorge. Dänn d Ursi hätt ihm au no sini Pflanze richtig versoffe, literwiis Wasser isch uf de nigelnagel-neu Bode usi gloffe.

Aber mit dene Wasserfläcke endet dia Story no nöd, denn ihra Drahtesel stoht uf am Parkplatz ännig blöd.

S Velo chait um und schlot grad uf d Autohube. Da Andi dänkt: „Däre fählt sicher a Schrube“. De Andi isch wäge dere Gschicht so dur de Wind, dass er grad selber anere Maschine agschlage hät sin Grind.

Ei Ohr hät wieder möse zämmeflickt und agneht wäre.

Bi da Ursi im Zick-Zack hett er d'Arztkoste könne späre aber da Andi dänkt: I gang nie mehr zu däre. Drumm, liebi Ursi, tua s nögscht Mol statt hälfe zügle, em Andi lieber sini Unterhosa, Söck und Hämper bügle.

## Reduzierter Winterdienst



Z Räbschte git's nu no reduzierte Winterdienst, wäg de Umwelt, das isch em Gmaindrot sin Verdienst.

De Schnee wird vor d lifahrte bahned, jede söll sälber schufle, so wird gmahned.  
Au de Markus Deiss vom Bauamt will für üsers Budget spare, und tuet nu no sälte mit em Streuwage umefahre.

Letschte Winter aber hät er a Tour zwei Mol mösse mache, es passiered nu uf da Gmeind so dummi Sache, noch da Tour isch er ufs Bauamt zrug, i glob dä hätt Fieber dänn vu Afang a ischt er gschlosse gsi, da Salzschieber.

## Mänf Bischis Einladung zum Wildessen

Da Mänf ladt wäg era verlorene Wett zum Wild-Ässa i und da ganz FCR-Schmarozzer-Club isch do natürlich dabi.

Doch uf fremdi Köschta go fressa, hätt halt so sin Biigschmack, und mängmol esst man dann halt nöd nur d'Katz' im Sack.

Da Mänf sagt noch am Essa so ganz gmüetlich bim zweita Bierli: „Jungs, da isch denn emfall kei Wild gsi, sondern Spanischi Nierli!“ Jo wenn ma so schmarotzt wie usghungereti Geier, denn gits halt zur Strafe stinkagi Stiera-Eier.

## Ablaufdatum vom Busch ist erreicht



Obe scho grau und überall e kli Schimmel, da stinkt jo scho bis zum Himmel.  
Es isch kei Joghurt und au nöd an rässa Käs, es isch de Coiffeur Sieber im Samiklaus-Häs.  
S Ablaufdatum isch erreicht und er wird entsorgt, doch wäge dem bin i nöd aso besorgt.  
Sin Klaus-Nochfolger steht scho fescht und da Sven Ender git sicher au sis bescht.  
Noch drissg Johr häscht dis Amt abgeh als Ober-Chlaus, drum spändid mör der für die tolli Zitt en  
grosse Applaus!

## Velofahren will gelernt sein



Üsa Dorf-Chef isch an vielsitiga Mada Andi Eggenberger alles a bizzeli ka.

Er regiert, präsentiert, isch sportlich und hät no witeri Talent Autofahra und Handörgeli-Spiela tuat er sogar excellent.

Einzig bim abwärts-bike hät er so sini Mühe, han i gseh'mit sim Eierschüttler isch er abe gfräst mit 70 Sache oder meh lhn haut's drum bös uf da Sack vum Berg obanaba und tuat dänn über grossas Kopfweh klaga.

Diagnosa vom Dokter isch a schweri Gehirnerschütterig gsi doch zum Glück hätt er au vu dämm jo nu a chli.

## Unsere Werbefee


Chunnt sie oder chunnt sie nöd Chunnt sie oder chunnt sie wüchlich nöd.

Da frog i mi nebed minera Frau im Bettwill i endlich min Gwunder gstillt ha wett.

Nöd wäg däm, wo ihr jetzt meinid, da wär üs z bunt.

Mör fröged üs, ob üsi Claudia Sonnebräu hüt wieder im Fernseh chunnt.

## Orientierungsloser Lehrer



D Lehrer vu üsara Oberstufa-Schul'sind geili Typa, immer mega cool.

Doch am Kurt Letsch im Welschlandlager im Jura obahäts wohl sin Orientierigssinn im Hirni oba verschoba.

Er hät gschlofa bim Rekognosziera, höchstwohrschienlichdenn er stiegt mit da ganza Klass in an falscha Zug i, oh wie pienlich.

D Schüler hönd da Windräder-Park dänn doch no verspötet gseh' aber nur will da Letsch d Führig ama Schüler hät abgeh'.

## Ein Beitrag für die Versteckte Kamera



D Lena Baumgartner knülett wie an Zirkus-Akrobatbim Bahnhof usa vor am Verpflegigsautomat. Dia jung Turnerin hät wella a Mars usa lo und grifft in Schlitz do klappat s Blech plötzli zua, wie da Blitz.

D Hand isch iklemmt und sie tuat luut usa Schreihilfe, wer ka mi us dära dumma Lag' befreia? Will sie niemert erhört i dära Situation verschickt sie WhatsApp vo ihre miesliche Position. Noch anere gfühlte Stund' öffnet da Grosspapa dia Dateia und kunnt d'Lea in Bahnhof usi go befreia. Wer da gseh hätt, hätt sich köstlich amüsiert dass anera so a guata Turnerin so öppis passiert.

## Ferienfeeling eines Tschutters

Fuulenza, guat Essa und WellnessBädela, Sauna und das ohni Stress  
Am Morga scho Pedi- und Fudicüre Sinnlichkeit mit oder ohni Gebühr.

Sünnala, Wandera, Massiera, all das wär cool.

Imana ruhiga Fünfster-Hotel mit grossem Pool.

För da Tschutter Marco Keel, wäred da Traum-Ferie gsi doch das Träumli isch för ihn schnell verbi  
dann dä Tubel hät buachat a chli gär schnell und logiert drum imana spezialisierta Hundehotel.

## Räbschter Bernecker wird in Au vermisst



Da Roman Federer, Tschutter und Pokalturnier-Präsident hät noch ama Polterobad i da Garage ussa pennt.

Sini Frau suecht ihn i da Nacht rund ums ganzi Huus und schlusst sich dabi dummerwis grad au no selber us..

Kei Sach, üsa Ersatzschlüssel isch jo i da Garage, gleit vu mim Maa" doch dä Dubel hätt ihn letscht Wucha brucht und nümma dötä gha.

Und so sind beide - eina bsoffa und eini barfuss - vor am Hus gstanda und hönd sich und d Wält nümma verstanda.

Ungmüetlich ist es wora, wo dia Beida ihras Baby hönd ghört schreia, doch d Polizei und da Schlüsseldienst hönds a Stund spöter köna befreia.

Und mör hönd ghört, dia dumm Gschicht' seg a chli gär tüür gsi und da Uusgang vom Federli seg för a paar Mönat gstricha und vorbei.

## Aurelia verteilt rote Pässe



Wenn du wötscht an Schwizer-Pass übercho, muesch du z Räbschta en ghörige Test bestoh. Drum prüft d Aurelia Keel vu da Ortsgmeind jede ganz genau, und so trifft sie im Rothuus eini ehre unbekannti Frau.

Zum Einbürgeriggspröch bietet sie sie kurzerhand uf, in dritta Stock gohts d Rothus-Stäge deruf. Aber dia Frau wehrt sich stur dagege: Wett sie sich öppe mit da Behörde alege? Bevor d Polizei ischrite muess, sagt dia Frau: „Liebi Aurelia, was do machst ist nöd so schlau, i schaffe nämlich als Betribigsbeamtin z Räbschta, hol du drum lieber dia nögschta.“

## Schule ist weiblich



Mini Tochter rüaft us und fluachat: Gottverdeli

D Frau Marquart im Rechna und Frau Suhner i da Relii da Handsgi d Frau Fehr und im Kindi Frau Josti da Huswirtschaft sagt üs d Litschera Prost, d Frau Näf im Turna und d Frau Graf im Schriebe Üsi Primarschul ka mit da Frauquota au a bizeli übertrieba.

## Sonnenbräu-Bierverkäufer gesucht


Üsara Benno Keel wörd i acht Mönat pensioniert und sin Nochfolger wird bereits gsucht und rekrutiert.

A grossi Schnorra und Bierfestigkeit sind Bedingiga för dä Job

Mis geistig Aug sieht drum da Zelt-Mäk oder da Christian Reiss, tip-top.

I frög mi aber, ob dia Beida als Bierverkäufer wöckli öpis tünd nütza da einti sufft nämli nu no Buttermilch und da ander Schütza-Pfütza.

## Missglückter Online-Einkauf



Lese was uf der Verpackig stoht, das macht doch jede, wo go poschte goht.

Auch wer im Internet sini Sache bstellt, söt luege, was döt wird ufzellt.

Au üse Urs Graber versuecht so sis Glückund bstellt för sini Zwilling Windle, grad e paar Stück. Wil s viel günschtiger isch als z Räbschta im Ladedänt er, er müessi im Internet grad dopplat zueschlage.

Doch wo de Lastwage vorfährt mit mehrara Palett, do tschägged de Depp, dass er d Verpackungseinheit nöd richtig gläse hät.

# Kleptomanie in Rebstein



Üsas Räbschta isch bös versautbi üs wörd Allerlei gstohla und klaut.

Im Oberfeld oba klaut ma Katz' um Katz'do säg i eu nu no: „Miau und schmatz-schmatz“.

Und d Fussgängerstreifa stiehlt üs da Kanton Streifa weg bi Grünau und Bank ohni Diskussion.

Üsi Post kunnt au uf misteriose Art sofort wegund bald klaut d Polizei au no am Raser Schile Zünd  
sin Check

Öppert stiehlt sogar s Leiterwägeli vom Samiklausund au d Marper bliebid das Johr ohni Applaus, sie  
klauid üs Räbschter nämlich einige Fusionsmillionadrum isch s Flonerläba vorbi und mör tönd sie ab  
sofort nümma schona.

Und am Peter Lüschi hönds sini Uussicht uf da Säntis klaut will so a Deppa-Firma an Block vor sini  
Schnorra häri baut.

Ganz neu klauids üs au no bim Rothus üsi Telefonkabina und statt telefoniera wörid wieder  
Rauchzeicha und Trommla zur Routina.

Doch öppert hätt ma üs leider no nöd gstohla.

Marper: Ihr könnid üsa Justi-Nauer im Rothus gratis abhola.

Liebi Fasnächtler, fäschtid hüt no lang witer und machid morn blaua aber lönd eu jo euri guat Laune  
hüt obad nöd au no klaua.